

**ՄՈՒՐՈՄՅԻ ԻԼԻԱՆ ԿՌՎՈՒՄ Է
ՎԼԱԴԻՄԻՐ ԻՇԽԱՆԻ ՀԵՏ**

(Ռուսական БЫЛИНА)

Հստ Ավենարիուսի

- Գրնում է ծերուկն արձակ դաշտերով,
Գրնում է ծերուկն երկար ժամանակ:
Մաշվել են հագի շորերը նախշուն,
Հատել է արդեն իր գանձը ոսկի,
5 Ու Իլիան ինքնին խոսում է էսպես.
— Եղել եմ հիմի ամբողջ Լիտվայում,
Եղել եմ հիմի ողջ օրդաներում,
Մենակ Կիևում չեմ եղել վաղուց:
Կիև գրնամ մի, գրնամ մի տեսնեմ
10 Ինչ է կատարվում էնտեղ — Կիևում:
Հասնում է Իլիան Կիև քաղաքը մայր,
Քեֆ-խնջույք ունի իշխան Վլադիմիրը.
Սեղան են բազմած հրգոր հրսկաներ
Ու պայազատներ մինչև երեսուն:
15 Մըտնում է ծերուկն ապարանքը ներս,
Կանգնում է, կենում սըրահի շեմքին,
Խաչ քաշում դեմքին, ինչպես օրենքն է,
Ողջույն է տալիս ընդունված կարգով

- Արև իշխանին ու տիկնոջն էլ ջոկ:
- 20 – Ապրած կենաս, տեր, իշխան Վլադիմիր,
Հաց ու ջուր կըտա՞ս եկվոր քաջերին:
Քեզ ուղիղ սըրտով եկել եմ ծառա.
Ձեմ վախում դաշտում հազար թաթարից,
Ձեմ վախում, թեկուզ մյուս հազարն էլ գա,
25 Ձեմ փախչիլ, թող գա երրորդ հազարն էլ,
Ու օգնության էլ հարկավոր չեն ինձ
Երեսուն ազնավն իրենց ճուտերով:
Ով էր – չիմացավ իշխանը հյուրին:
– Ուսկի՞ց ես, ո՛վ քաջ, ի՞նչ ազգ ու տակից.
30 Քեզ ի՞նչ անունով կանչենք, մեծարենք,
Կամ ի՞նչ հայրական կոչումով հարգենք:
– Նիկիտան եմ ես Զառլեշանին:
– Ով, դու Նիկիտա Զառլեշանին,
Ե՛կ, նըստի, մեզ հետ հաց անուշ արա,
35 Մի տեղ կա դատարկ էնտեղ, ներքևում,
Սեղանի ծերին, բազմոցի վերջին.
Բըռնած են ուրիշ տեղերը բոլոր:
Ու, կըռներն ընկած, մարդիկն իշխանի
Տարան Իլիային ծերը ներքևի,
40 Նըստեցրին էնտեղ՝ ներքևի ծերին:
Ու էսպես խոսեց Իլիան ներքևից.
– Ով դու Վլադիմիր, մայր Կիևի տեր,
Վայել չի ուժին, ոչ աստիճանին
Տեղն ու պատիվը, որ տալիս ես դու.
45 Ինքըդ նըստում ես ազնավների հետ,
Ինձ տեղ ես տալի ճուտերի կողքի՞ն:
Ասավ, կամեցավ տեղը դըրըստի–

- Զարգոտեց շուրջը կաղնի բազմոցներ,
 Ուորեց բիրերն ամբողջ երկաթի,
 50 Սեղմեց հյուրերին անկյունը վերին:
 Դուր չեկավ էս բանն Արև իշխանին.
 Տեղիցը առույգ ելավ նա ոտի,
 Մըթնեց, աշունքվա գիշերի նըման,
 Մըռընչաց, ինչպես կատաղի գազան:
 55 — Ի՛նչպես, Նիկիտա Զառլեշանին,
 Խառնես տեղերը դու իմ սահմանա՛ծ,
 Ծըռես բիրերը համայն երկաթի՛...
 Մեն մի հըսկայի արանքումը ես
 Բիրեր եմ գարկել ամուր երկաթի,
 60 Որ խընչույքներին, որքան էլ խըմեն,
 Որքան էլ հարբեն, չըդիպչե՛ն իրար:
 Հե՛յ դուք, մեծագոր ըռուս հըսկաներ,
 Լսվա՞ծ է որ ձեզ, էդ հըսկաներիդ
 Ագռավներ կանչի մինը ու ճուտեր:
 65 Դուրս եկեք ձեզնից երեք լավերըդ,
 Դո՛ւրս շպըրտեցեք — սըրահից փողոց:
 Դուրս եկան ընտիր երեք հըսկաներ,
 Սկսան Նիկիտին քաշել, քաշքըշել,
 Սկսան Նիկիտին հըրել, հըմըշտկել.
 70 Կանգնած է Նիկիտն ու ժաժ չի գալի,
 Զի շարժվում նույնիսկ գըլխարկը գըլխին:
 — Թե կուզես, իշխան, դու զըվարճանաս,
 Թող գան սըրանց հետ երեք հըսկա էլ:
 Դուրս եկան ուրիշ երեք հըսկա էլ,
 75 Սկսան Նիկիտին քաշել, քաշքըշել,
 Սկսան Նիկիտին հըրել, հըմըշտկել.

- Կանգնած է Նիկիտն ու ժաժ չի գալի,
 Զի շարժվում նույնիսկ գըլխարկը գըլխին:
 – Թե կուզես, իշխան, դու զըվարճանաս,
- 80 Թող դուրս գան գոնե երեք հըսկա էլ:
 Դուրս եկան երրորդ երեք հըսկան էլ,
 Բան չըկարացին անեն Նիկիտին:
 Ու էսպես խոսեց Նիկիտը այնժամ.
 – Իշխան վլադիմիր, մայր Կիևի տեր,
- 85 Ախորժակ ունիս անշուշտ խընդալու.
 Համեցեք, հիմի մըտիկ արա ինձ
 Ու ախորժակըդ կանցնի խընդալու:
 Ու Նիկիտը ինքն սկսավ խընդալ,
 Սկըսավ սեղմել, զարկել, տըրորել
- 90 Ուժեղ ու հզոր էն հըսկաներին:
 Սողում են սրահում հըսկաներն ամեն,
 Զի կարում կանգնի ոչ մինը ոտի:
 Դուրս եկավ Նիկիտն ապա սրահից,
 Դըռները զարկեց՝ շրջանակն ընկավ,
- 95 Դարպասը զարկեց՝ սյուները թըռան,
 Զարդ-փշուր եղան ճաղերը քաշած:
 Իշխանը մըտավ ետևը փեչի:
 Սամուր մուշտակը քաշեց իր գըլխին.
 – Վա՛յ կամա՛ց, տղե՛ք, ժաժ չըգաք տեղից,
- 100 Զըլըսի Նիկիտ Զատլեշանին,
 Թե չէ ետ կըգա շարդ-փշուր կանի,
 Ոչ մեծ կըթողնի, ոչ փոքըր մեզնից,
 Ժառանգ չի թողնիլ ինձ՝ վլադիմիրիս...
 Դուրս եկավ Իլիան դարպասն ընդարձակ
- 105 Ու լարեց ճայթուն իր աղեղը զիլ,

- Սուր, մըխած նետը դըրավ աղեղում,
 էսպես ինքն իրեն խոսեց նետի հետ.
 – Սըլացի՛ր, իմ նետ, տանիքը ոսկի,
 վեր բեր ոսկեզօծ գըմբեթները ցա՛ծ:
- 110 Ընկան ոսկեզօծ գըմբեթները ցա՛ծ,
 Ու կանչեց Իլիան կոկորդովը մին.
 – Հե՛յ, դուք կաբակի մերկ ու տըկլորներ,
 Հե՛յ, կամավորներ Արև իշխանի,
 Վազեցե՛ք, եկե՛ք դարպասն իշխանի,
- 115 Առե՛ք ոսկեզօծ գըմբեթները թանկ,
 Կըրեցե՛ք, տարե՛ք կաբակն արքունի,
 Արաղ խըմեցեք էնտեղ կուշտ ու պինդ:
 Վազեցին, եկան տըկլորներն ամեն,
 Կամավորները Արև իշխանի,
- 120 Տարան, կըրեցին գըմբեթներն ոսկի.
 – Ո՛վ դու մեր պաշտպան, մեր ծնող, մեր հայր...
 Ու Իլիայի հետ ելան, գընացին,
 Խըմեցին բոլոր գըմբեթներն ոսկի,
 Խըմեցին մինչև վերջինը միասին:
- 125 Ու երկյուղ ընկավ սիրտները էստեղ.
 Ի՞նչ կանի մեզ հետ իշխանը հիմի,
 Ի՞նչ պատիժ կըտա, ով գիտի, հիմի,
 Խըմեցինք նըրա գըմբեթները ողջ:
 Ու Իլիան էսպես խոսեց նըրանց հետ.
- 130 – Խըմեք, տըկլորներս, դուք մի՛ վախենաք...
 Ես եմ վաղվանից իշխան Կիևում,
 Իսկ դուք ամենից մեծ պիտի լինիք:
 Անցավ երկյուղը, սկըսան խըմել,
 Տերից սկըսան կյանք խընդրել քաջին:

- 135 Իսկ իշխանական խընջույքի վըրա
 Գընաց համբավը Արև իշխանին,
 – Ո՛վ Արև իշխան, մայր Կիևի տեր,
 Չես ասիլ՝ Նիկիտ Զատլեշանին
 Քու էս հարկերից, ոսկի հարկերից,
- 140 Ձըգեց ոսկեզօծ գըմբեթները ցած,
 Կանչեց կաբակի ողջ տըկլորներին,
 Խըմեց նըրանց հետ գըմբեթներն ոսկի:
 Նըստած էր էնտեղ խընջույքի միջին
 Զահել Դոբրինիա Նիկիտիչ հըսկան,
- 145 էսպես ասավ նա Արև իշխանին,
 – Իշխան Վլադիմիր, մեր կարմիր Արև,
 Նիկիտան չի նա Զատլեշանին,
 Այլ իմ խաշախպերն – Իլիան Մուրոմից:
 Ասավ՝ իշխանը մտքի տունն ընկավ,
- 150 Իր հետ անվանի ազատներն ամեն
 Եվ հըսկաները ուժեղ ու հըզոր,
 Թե ինչպես անի – հաշտվի ծերի հետ:
 – Միտք արե՛ք, տըղեք, միտք արե՛ք մի լավ,
 Միտք արե՛ք, տըղեք, խորը միտք արե՛ք,
- 155 Խելք խելքի տըվե՛ք, մի հընար գըտե՛ք,
 Ո՛ւմ զըրկենք արդյոք ծերի ետևից,
 Որ կանչի նըրան հարգինքի սեղան:
 Ես ինքս գընամ – չեմ ուզում գընամ,
 Ապրակսին զըրկեմ – վայել չի նըրան:
- 160 Ամենքը էստեղ մըտքի մեջ ընկան.
 – Ո՛ւմ զըրկենք արդյոք ծերի ետևից...
 Ե՛կ զըրկենք գընա ջահիլ Դոբրինիան,
 Չէ որ Իլիայի խաշախպերն է նա.

- Նըրրա՛ն կըլըսի Իլիան՝ թե լըսի:
- 165 Սեղանը անցավ Վլադիմիր իշխանն,
 Եկավ ու կանգնեց Դոբրինիայի դեմ
 Ու էսպես խոսեց Դոբրինիայի հետ.
 – Արի՛, ե՛լ, կտրիճ, ջահիլ Դոբրինիա,
 Ծերուկ Մուրոմցու մոտ գընա մեզնից,
- 170 Երկիրը պագիր, խոնարհ ողջունիր,
 Խոնարհիր մինչև հատակն աղյուսի,
 Խոնարհիր մինչև էն գետինը ցած
 Ու էսպես ասա նըրան մեր կողմից.
 – Ուղարկել է ինձ Վլադիմիր իշխանն
- 175 Ու մայր տիկինը՝ Ապրակսիան իր հետ.
 Խընդրում են, որ գաս ուրախ հարգինքի:
 Նա չի ճանաչել քեզ, կըտրիճ քաջիդ,
 Նըստեցրել է ցած, ներքևի ծերին:
 Խընդրում է հիմի, լիասիրտ խընդրում,
- 180 Խընդրում լիասիրտ ու մեծ ցընծուխյամբ.
 Խընդրում է մոռնաս ինչ անց է կացել:
 Գընում է ահա ջահիլ Դոբրինիան,
 Գընում է ճամփով ու միտք է անում.
 – Արդյոք վաղաժամ մահի՞ս չեմ գընում...
- 185 Բայց թե չըլըսեմ Արև իշխանին
 Փորձանք է գալու անշուշտ նըրանից:
 Ու գընում է նա կաբակն արքունի,
 Մըտնում է ահա կաբակն արքունի.
 Նըստած է էնտեղ ծերուկ Մուրոմցին,
- 190 Խըմում, քե՛ֆ անում տըկլորների հետ:
 Ու միտք է անում ջահիլ Դոբրինիան,
 Ո՞ր կողմից արդյոք նըրան մոտենա.

- Առջևից գընամ՝ դուր չըգամ գուցե,
 Լավ է թիկունքի կողմից մոտենամ:
- 195 Եկավ, մոտեցավ թիկունքի կողմից,
 Բըռնեց Իլիայի ուժեղ ուսերից
 Ու էսպես մեղմով խոսեց նըրա հետ,
 — Ո՛վ իմ խաչախսպեր, իմ ախպերացու,
 Ո՛վ դու իմ ախպեր, ծերուկ Մուրոմցի,
- 200 Քեզ պահի առժամ ձեռներըդ ճերմակ,
 Բըռնի ու զըսպի սիրտըդ կըրակոտ:
 Զէ՞ որ բանբերին չեն կապում, կախում,
 Մենք էլ հո մեր մեջ ուխտ ունենք արած,
 Ուխտ ունենք արած մեծ ու ահավոր,
- 205 Որ փոքր ախպերը լըսի իր մեծին,
 Մեծն էլ իր փոքրին ականջ անի միշտ,
 Ու էսպես կանգնենք մեկ մեկի համար:
 Դեսպան է զըրկել քեզ մոտ ինձ էսօր
 Վըլադիմիր իշխանն իրեն տիկնոջ հետ,
- 210 Քեզ, հըզոր քաջիդ նա չի ճանաչել,
 Նըստեցրել է ցած, ներքևի ծերին:
 Խընդրում է հիմի նա քեզ ցընծությամբ,
 Խընդրում լիասիրտ մեծ խըրախճանի,
 Թողնես, ասում է, ինչ անց է կացել:
- 215 Ետ է շուռ գալի Իլեյկոն էստեղ.
 — Հե՛յ դու, Դոբրինիա ջահել Նիկիտիչ,
 Քու բախտը բանեց՝ ետևից եկար,
 Թե չէ առջևից գայիր. Դոբրինիա,
 Հող ու մոխիրըդ քամուն պիտ տայի:
- 220 Հիմի, ախպերըս, ձեռ չեմ տալի քեզ,
 Կարգն ու օրենքը անցնել չի լինիլ:

- Ետ դարձի՛, ասա Արև իշխանին,
 Թող որ ինձ համար, ի՛նձ, քաջիս համար
 Արձակի սաստիկ, սաստիկ հըրաման
- 225 Ամբողջ Կիևին, էս մայր քաղաքին
 Եվ Չերնիգովին նույնպես սըրա հետ,
 Որ արքունական կաբակները ողջ
 Բացվեն երեք օր ու երեք գիշեր,
 Ժողովուրդն ամեն գա արաղ խըմի,
- 230 Ով չի կամենալ որ արաղ խըմի,
 Թող նա գարեջուր խըմի հարբեցնող,
 Ով որ չի ուզիլ գարեջուր խըմի,
 Թող նա մեղրաջուր խըմի քաղցրահամ,
 Որ ողջ իմանան՝ Կիև է մըտել
- 235 Մուրոմցի ծերուկ Իլիան Իվանովիչ:
 Ինձ համար էլ թող, էս քաջիս համար,
 Սեղան բաց անի ճոխ մեծարանքի.
 Իսկ թե չի անիլ ինչ ասում եմ ես,
 Կիևում կիշխի մինչև լուս միայն:
- 240 Ու արագ-արագ վազեց Դոբրինիան,
 Վազեց Վլադիմիր անուշ իշխանին,
 Պատմեց Իլիայի պատվերը նրան:
 Հենց լըսեց պատվերն իշխան Վլադիմիրը,
 Իսկույն, անհապաղ սաստիկ ու սաստիկ
- 245 Գըրեց բովանդակ Կիև քաղաքին,
 Այլև Չերնիգով հանեց հըրաման,
 Թե ողջ երեք օր ու երեք գիշեր
 Բաց պետք է լինի կաբակն արքունի,
 Գա, արաղ խըմի ժողովուրդն ամեն,
- 250 Խըմի, քեֆ անի անվարձ, անվըճար,

- Որ ողջ իմանան Կիև է մըտել
 Մուրոմցի ծերուկ Իլիան Իվանովիչ:
 Ու ինքը բացեց հարգիւնքի սեղան,
 Կանչեց, հավաքեց իշխան ու բոյար,
 255 Ըռուսաց բոլոր մեծ հըսկաներին,
 Այլև քաջարի կանանց դյուցազուն:
 Բայց մարդ չի գընում կաբակն արքունի,
 Ամենքն իշխանի պալատն են վազում,
 Ոչ կերուխումի, ոչ ոսկու համար,
 260 Վազում են տեսնեն անվեհեր քաջին,
 Տեսնեն Մուրոմցի էն ծեր Իլիային:
 Հավաքվում են ողջ դարպասն իշխանի
 Մըտնում են կամաց ապարանքը ներս:
 Ու ծեր Մուրոմցին գալիս է ահա.
 265 Գալիս՝ կաբակի տըկլորների հետ,
 Գալիս է, մըտնում սըրահը պայծառ,
 Խաչ հանում դեմքին, ինչպես օրենքն է,
 Ողջույն է տալի ընդունված կարգով,
 Երկըրպագում է չորս կողմը խոնարհ,
 270 Արև իշխանին ու տիկնոջն էլ ջոկ:
 Վեր կացավ իսկույն իշխանը առույգ,
 Առավ Իլիայի ճերմակ ձեռներից,
 Համբուրեց նըրա շըրթունքը շաքար,
 Ապա թե էսպես խոսեց շողոմբոր.
 275 — Ո՛վ դու ծերունի, Իլիա Մուրոմցի,
 Ցած եղավ թեպետ քու տեղն ամենից,
 Այժըմ ամենից վերև կըլինի:
 Հե՛յ, դուք ծառաներ իմ հավատարիմ,
 Տարե՛ք ծերունուն բա՛րձըր ամենից:

- 280 Բայց նա չընդստեց ամենից վերև,
 Գրնաց ու նըստեց մեջտեղն ամենի,
 Հետը նստեցրեց մերկ տըկլորներին
 Ու էսպես դարձավ Արև իշխանին.
 — Ո՛վ դու Վլադիմիր, մայր Կիևի տեր,
- 285 Լավ ես իմացել՝ ում ղըրկել ինձ մոտ.
 Ջըլներ Դոբրինիան՝ իմ ախպերացուն,
 Չէի լըսելու էստեղ ոչ ոքի,
 Ու մըտքումս արդեն ղըրել էի ես,
 Լարել էս ճայթուն իմ աղեղը զիլ,
- 290 Արձակել դեպի սրահըդ շքեղ,
 Սպանել և քեզ, իշխան Վլադիմիր,
 Եվ քու տիկնոջը՝ քու Ապրակսիային:
 Բայց էս անգամը Աստված քեզ ների
 Քու էդ հանցանքը, էդ հանցանքը մեծ:
- 295 էստեղ անուշներ բերին հյուրերին,
 Քաղցըր մեղրաջուր խըմիչքներ բերին,
 Բերին ամենին ղըրին մի-մի թաս
 Ու էսպես խոսեց Իլիան իշխանին.
 — Ա՛յ դու Վլադիմիր, մայր Կիևի տեր,
- 300 Սըրանո՞վ ես դու պատվում հյուրերիս.
 Սըրանո՞վ ես դու հարգանք ցույց տալի,
 էս տըկլորներին միայն մի-մի թա՛ս...
 Դուր չեկավ էս խոսքն Արև իշխանին,
 էսպես ծերունուն տըվավ պատասխան.
- 305 — Ամենքի համար խոր նըկուղներում
 Արաղ ունեմ ես ինչքան կամենան.
 Մարդը մի տակառ քառսուն չափանոց:
 Թե հերիք չանի՝ ինչ որ կա էստեղ,

- Թող իջնեն իրենք նրկուղներն իմ խոր:
- 310 — Ա՛յ դու Վլադիմիր, իշխան Կիևի,
 էդպե՞ս են պատվում քեզ մոտ հյուրերին,
 էդպե՞ս են քեզ մոտ հարգում քաջերին,
 Որ իրենք գըտնեն ուտեստ ու խըմի՛չք...
 Տեսնում եմ տանտերն ես եմ լինելու:
- 315 Ասավ ծերունին ու ոտքի ելավ,
 էլ հարցմունք չարավ նրկուղի ճամփեն,
 էլ նրկուղների բանալիք չուզեց.
 Թափ իջավ դեպի նրկուղները խոր,
 Դըռները արավ ողջ կըրընկահան,
- 320 Պոկեց կողպեքներն առանց բանալի,
 Ներս մըտավ ինքը նրկուղներն էն խոր:
 Առած մի տակառն էս մի կըռնատակ
 Ու մյուս տակառը մեկել կըռնատակ,
 Երրորդը ոտով գըլորում է դուրս.
- 325 Ու դուրս գըլորեց դարպասն իշխանի,
 Գոռաց ու կանչեց կոկորդովը մին.
 — Հե՛յ դուք կաբակի մերկ ու տըկլորներ,
 Դուրս եկեք էստեղ — դարպասն իշխանի,
 Եկե՛ք, ամենքիդ արաղ խըմեցնեմ:
- 330 Ու իջավ կըրկին նրկուղները ցած:
 Ջըտարավ իշխանն ու թունդ ելավ խիստ,
 Որոտաց ուժգին իր հընչուն ձենով.
 — Հե՛յ հավատարիմ դուք իմ ծառաներ,
 Շո՛ւտ, եկե՛ք, հասե՛ք արագ ու արագ,
- 335 Արագ ու արագ, ճեպով, հապճեպով,
 Վեր դըրեք քաջին խորունկ նրկուղում,
 Շուրջը քաշեցեք երկաթի ցանցով,

- Կաղնի կոճղերով կապեցեք շորս դին,
Թաղեցեք դեղին ավազի տակին,
340 Սովամահ արեք խորունկ նըկուղում:
Վազեցին, հասան ծառաներն արագ,
Արագ ու արագ, ճեպով, հապճեպով,
Վեր դըրին ծերին, խորունկ նըկուղում,
Շուրջը քաշեցին երկաթի ցանցով,
345 Կաղնի կոճղերով կապեցին շորս դին,
Թաղեցին դեղին ավազի տակին:
Ու ցավ դառավ էս մյուս հըսկաներին,
Վեր կացան կիսատ քեֆի սեղանից,
Ելան, դուրս եկան դարպասն ընդարձակ,
350 Իրենց ամեհի ձիանքը հեծան,
Դես դեն ցըրվեցին էն արձակ դաշտում,
էն լեն ու ազատ տարածուխյան մեջ.
— էլ չենք մընալ մենք էստեղ՝ Կիւում,
էլ չենք ծառայիլ Արև Իշխանին:
355 Ու էլ Վլադիմիր Իշխանի մոտին
Հըսկա չըմընաց Կիւ էն օրից: